

**UNIVERSITY OF SARAJEVO
FACULTY OF SCIENCE**

Broj: 01/01-66/17-2017
Sarajevo, 08.09.2017. godine

Zmaja od Bosne 33-35
Sarajevo
Bosnia and Herzegovina
Phone ++387 (0)33 723723
Fax ++387 (0)33 649359

Na osnovu člana 64. stav (1) tačka b), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 01/01-66/14-2017 od 10.07.2017. godine i Odluke Upravnog odbora Univerziteta u Sarajevu broj: 02-5284/17 od 31.08.2017. godine, po konkurentskom postupku nabavke roba – Kompjuterska oprema, Dekan Prirodno-matematičkog fakulteta Univerziteta u Sarajevu je donio

O D L U K U
o izboru najpovoljnijeg ponuđača
po konkurentskom zahtjevu za dostavu ponuda

Član 1.

Prihvata se Preporuka Komisije za nabavke, broj: 01/01-66/14-2017 od 10.07.2017. godine i ugovor za nabavku **roba – Kompjuterska oprema** dodjeljuje se ponuđaču **PRINTEX d.o.o. Sarajevo**, za ponudenu cijenu **26.350,00 KM bez PDV-a**, kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču **PRINTEX d.o.o. Sarajevo**, po proteku roka od 15 dana, računajući od dana okončanja postupka javne nabavke.

Član 3.

Za izvršenje ove odluke zadužuje se i ovlašćuje Sekretarijat i Služba računovodstva Fakulteta.

Član 4.

Ova odluka objavit će se na web-stranici www.pmf.unsa.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01/01-66/2-2017 od 16.06.2017. godine.

Javna nabavka je provedena putem konkurentskog postupka za dostavu ponuda. Procijenjena vrijednost javne nabavke za kompjutersku opremu bez PDV-a je 17.650,00 KM.

Obavijest o nabavci broj: 654-7-1-91-3-8/17, objavljena je na Portalu javnih nabavki dana 16.06.2017. godine.

Budući da je u ovom postupku objavljena tenderska dokumentacija u sistemu „E-nabavke“, ugovorni organ uputio je poziv za preuzimanje tenderske dokumentacije u sistemu „E-nabavke“, koji odgovara zahtjevu za dostavu ponuda iz člana 88. stav 1. ZJN i to sljedećim ponuđačima:

1. Media Market d.o.o. Sarajevo,
2. Plus.ba d.o.o. Sarajevo
3. Printex d.o.o. Sarajevo

Iz sistema „E-nabavke“ tendersku dokumentaciju su preuzeli sljedeći ponuđači:

1. REBUS d.o.o.
2. ekipija d.o.o.
3. BBS Europe
4. Infostrim d.o.o.
5. 4U d.o.o. Tuzla
6. IMTEC d.o.o. Sarajevo
7. ASPO RAIL d.o.o.
8. R&S d.o.o. Sarajevo
9. FixIT d.o.o.
10. Intercomp d.o.o. Visoko
11. MULTIMEDIJALNI COMPUTER CENTAR d.o.o. MMCC
12. Siecom d.o.o.
13. Media Market d.o.o.
14. GODIMERC d.o.o.
15. XENON FORTE d.o.o. Sarajevo
16. PRINTEX
17. ALF-OM
18. Time Code d.o.o. Sarajevo
19. HERTRONIC d.o.o.
20. ELUR d.o.o. Kiseljak
21. OCEAN d.o.o.
22. KAMER COMMERCE d.o.o.
23. FACIT d.o.o.

Komisija za nabavku imenovana je Odlukom broj: 01/01-66/3-2017 od 16.06.2017. godine.

Dana 10.07.2017. godine Komisija za nabavku dostavila je Zapisnik o pregledu i ocjeni ponuda kao i Izvještaj sa preporukom komisije o izboru najpovoljnijeg ponuđača za nabavku **roba – Kompjuterska oprema.**

Komisija za nabavku blagovremeno je i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je blagovremeno zaprimljeno: 5 ponuda;
- da je ukupan broj pristiglih ponuda: 5 i to: MMCC d.o.o. Sarajevo Multimedial Computer Center, ELUR d.o.o. Kiseljak, PRINTEX d.o.o. Sarajevo, R&S d.o.o. Sarajevo i REBUS d.o.o. Sarajevo, te da su iste blagovremene.

Komisija za nabavke je dopisom broj: 01/01-66/9-2017 od 03.07.2017. godine zatražila mišljenje stručne osobe koja je pripremala specifikaciju za Kompjutersku opremu da dostavi mišljenje da li specifikacije svih ponuđača koji nude ekvivalent predmetu nabavke nude odgovarajući ekvivalent.

Na osnovu mišljenja broj: 01/01-66/10-2017 od 05.07.2017. godine, konstatovano je da ponuđači ELUR d.o.o. Kiseljak, MMCC d.o.o. Sarajevo Multimedial Computer Center, R&S d.o.o. Sarajevo i PRINTEX d.o.o. Sarajevo nude ekvivalent, koji u potpunosti odgovara predmetnoj specifikaciji. Također, konstatovano je da ponuđač REBUS d.o.o. Sarajevo u svojoj ponudi ne nudi odgovarajući ekvivalent u slijedećoj stavci:

a) Primjedba se odnosi na dostavljeni ekvivalent za laptop HP G5, jer je umjesto traženog hard diska od 1TB 7200rpm, ponuđač ponudio hard disk od 500GB 5400rpm. Ponuđeni hard disk ima duplo manje memorije i ima manji rpm za 1800 što ima znatan uticaj na brzinu rada hard diska, s toga ponuđeni laptop ne može biti i nije ekvivalent traženom i ponuda nije uzeta u daljnje razmatranje. Ostali ponuđeni ekvivalenti ponuđača REBUS d.o.o. zadovoljavaju minimalnu tehničku specifikaciju tražene opreme.

Komisija je konstatovala da je prvoplasirani ponuđač PRINTEX d.o.o. Sarajevo dostavio ponudu u iznosu od 26.350,00 KM sa uračunatim popustom bez PDV-a, a Planom nabavke za 2017. godinu procijenjena vrijednost za navedeni predmet nabavke iznosi 17.650,00 KM bez PDV-a, što prekoračuje budžet. Komisija je dopisom broj: 01/01-66/11-2017 od 06.07.2017. godine zatražila instrukcije za nastavak provođenja započete procedure od prodekana za opće poslove i finansije i šefice računovodstva s obzirom da:

stav e) člana 69. ZJN propisuje da je ugovorni organ obavezan poništiti postupak javne nabavke u slučaju da cijene svih prihvatljivih ponuda su znatno veće od osiguranih sredstava za predmetnu nabavku.

Međutim, Agencija za javne nabavke Bosne i Hercegovine 23.09.2015. godine za potrebe jednog od prethodnih postupaka dala mišljenje, broj: 04-02-1-3274-1/15 u kojem stoji da je pojam „znatno veće cijene“ relativan pojam koji ovisi od niza faktora, te da „u situaciji kada cijena najniže ponude prekoračuje proračun, postoje dva jednako raspoloživa izbora: da se poveća proračun i dodijeli ugovor ili ukoliko je to nemoguće, postupak se poništava“.

Dana 10.07.2017. godine dopisom broj: 01/01-66/12-2017 data je saglasnost za nastavak provođenja započete procedure. S obzirom na hitnost postupka, neophodnost okončanja tekućih projekata, te na činjenicu da za sve tražene stavke postoje obezbjeđena finansijska sredstva zatražena je saglasnost Upravnog odbora Univerziteta u Sarajevu za izmjenu Plana nabavki po ovoj stavci u pogledu iznosa.

Dana 07.09.2017. godine zaprimljena je Odluka o saglasnosti Univerziteta u Sarajevu, broj: 02-5284/17 od 31.08.2017. godine, čime su se stekli uslovi za donošenje odluke o izboru najpovoljnijeg ponuđača i daljnje postupanje.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispijelih ponuda, shodno kriterijima iz Tenderske dokumentacije.

U postupku ocjene provedenog postupka, dekan Prirodno-matematičkog fakulteta Univerziteta u Sarajevu nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Prema Izvještaju Komisije, broj: 01/01-66/14-2017 od 10.07.2017. godine, navedene ponude ispunjava uslove u skladu sa tenderskom dokumentacijom konkurentskog postupka i smatra se prihvatljivom, te je na osnovu toga sačinjena rang lista prihvatljivih ponuda, **počevši od napovoljnije:**

Rang lista ponuđača

R.br.	Naziv/ime ponuđača	Ponuđena cijena (bez PDV-a)
1.	PRINTEX d.o.o. Sarajevo	26.350,00 KM
2.	ELUR d.o.o. Kiseljak	27.296,00 KM
3.	R&S d.o.o. Sarajevo	29.093,00 KM
4.	MMCC d.o.o. Sarajevo Multimedial Computer Center	30.743,30 KM

Shodno navedenom, Komisija je prema utvrđenom kriteriju najniže cijene dala preporuku da se u predmetu nabavke **roba - KOMPJUTERSKA OPREMA** donese Odluka o dodjeli ugovora ponuđaču PRINTEX d.o.o. Sarajevo, čija cijena ponude iznosi 26.350 KM.

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.

Dokaze o kvalifikaciji izabranog ponuđača, isti je dužan dostaviti u roku od 6 (šest) dana od dana dostavljanja Odluke o izboru najpovoljnijeg ponuđača.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

DEKAN FAKULTETA

Prof. dr Mustafa Memić

Dostaviti:

- Ponuđaču: **MMCC d.o.o. Sarajevo**
- Ponuđaču: **ELUR d.o.o. Kiseljak**
- Ponuđaču: **PRINTEX d.o.o. Sarajevo**
- Ponuđaču: **R&S d.o.o. Sarajevo**
- Ponuđaču: **REBUS d.o.o. Sarajevo**
- Dosije nabavki
- a/a